

諸虫魚獸並喜食之

諸島以川者為其間之島也土人呼為排置口中西之島其口
亦曰排置口其間之島也土人呼為排置口中西之島其口
亦曰排置口其間之島也土人呼為排置口中西之島其口

臺灣紀畧 附澎湖

長樂林謙光芝罘著

形勢

臺灣為海中孤島地在東隅形似彎弓中為臺灣市市以外皆海
由上而北至淡水鷄籠城界與福建相近其東則大琉球也離海
稍遠由下而南至加洛堂即橋止其西則小琉球也與東港相對
由中而入一望平原三十餘里層巒聳翠樹木蒼茂即臺灣灣之
所也而灣外復有沙堤名為鹿耳門為臺灣之門戶大線頭海翁窟
生狀如龍蛇復有北線尾鹿耳門為臺灣之門戶大線頭海翁窟
為臺城之外障航之往來由鹿耳門今設官鑿驗

沿革

先是北線尾日本番來北搭寨經商盜賊出沒于其間為沿海之
患後紅毛乃荷蘭種由加智也來假其地于日本遂奪為己有築
平安赤嵌二城倚夾板紅為後藏而各社土酋聽其約束設市于
安平鎮城外與商賈貿易至壬辰年土民郭傑一反西王民召土
番擒之戮于赤嵌城民被土番逼以消索益至此歸紅毛也
三十餘年矣辛丑年偽鄭成功自臺抵滬無所土人勾之
往乃發大小船千餘號遣何斌劉若鹿耳門入潮水忽添數尺
紅毛戰敗逃入鎮城堅閉不出鄭兵沿山圍之累月柴蔬不得入
又乏外援紅毛突圍遁歸成功因改臺灣為偽東都設一府二縣
偽立府尹及天興萬年二縣壬寅年五月成功卒提督馬信立其
胞弟鄭世襲改號護理癸卯年成功之子鄭經自廈門來與世襲
爭國世襲兵屈退歸經遂嗣位後經至屢委翁天祐為轉運使任
國政于是興市肆築廟宇新街橫街皆其首建也癸卯年廈門敗
經由銅山入灣改東都為東寧省前後招納內地兵民眷口以實
之甲寅經兵入漳泉委陳永華為諮議參軍留守國政丁巳年兵
續經守廈門復令劉國軒攻開海澄縣殺其夫兵恢復鄭兵潰去
十有八九遣劉國軒調殘兵守澎湖縣賊戶出糧抽壯民為兵致
民心離散士卒喪氣辛酉年經預立其庶子鄭欽為監國退閩于
洲仔尾築將觀之地後守離場築沐義舟極島中之華麗不理政
務嬉遊為樂未幾經卒家僕登之巖墮之經死欽妻陳氏即永華
之女亦登臺自縊遂立鄭克塽為主年幼政出多門福建提督姚
啟聖偵知之密請南征遂行經與僑為寨約為內應事泄為霖

被戮偽績順公沈瑞亦以謀誅

瑞妻陳氏在後宮
誅之亦自盡

朝廷允姚總督之奏命靖海將軍侯施琅為提督與總督姚啟聖
巡撫吳興祚討之康熙二十二年癸亥六月十四日大帥由銅山
開駕十五日兵入八罩灣十六日進取虎井福盤澳克之十九日將軍乘
七日舟停八罩灣十八日進取虎井福盤澳克之十九日將軍乘
小舟暗渡海中親觀營壘遙見澎湖媽祖台與上下砲城三座風
櫃尾一座四角山砲城一座鷄籠山砲臺一座東西巔砲臺一列
四座西南內外塹西與頭一列砲臺四座牛心灣砲臺一座沿海
之處小船可以登岸者盡設短塼置砲石連繞三十餘里海兵星
羅碁布將軍決策遂於二十一日誓師二十二日分兵進勦左師
直入鷄籠山右師直入牛心澳中權分為八陣每陣三疊將軍居

中調度將左者興化鎮吳英金門鎮陳龍銅山鎮陳昌將右者平
陽鎮朱天貴海壇鎮林賢廈門鎮楊嘉瑞提標中營羅士珍旌旗
蔽空舳艫千里自辰至申勢力夾攻擊沉煩船八隻燒烏船二十
六隻其餘奔散無跡平陽鎮朱天貴陣亡海兵死傷無算遂下澎
湖劉國軒知事不可為勸克塹繕表歸誠乃賞印八顆又延平王
金印一顆輔政公武平侯七誠伯武衛將軍等銀印四顆稽首歸
順時明宗室寧靖王朱術桂向依鄭氏臺灣破隘室自縊妻妾俱
殉先是澎湖最險難以泊舟至是水神効靈九日海不揚波麓湧
甘泉大師直抵臺灣七月初三日將軍飛章奏捷八月初二日楊
旗入灣文武官僚薙髮迎師兵不血刃臺灣已歸我版圖矣

建置

大師底定臺灣設分巡道一員領一府三縣臺灣縣居中轄四坊
十五里九街六鄉南為鳳山縣自臺灣府起至沙碼碯頭止共五
百三十里轄六里十四鄉十餘社過沙碼碯頭山之背為呂宋
開洋處其餘則土番負固緣到城市今土官加老師統之北為諸
羅縣自臺灣府起至雞籠城止共五千三百三十里轄四里十四
鄉四大社人衆力役尤多其餘二十四社至雞籠城而界盡過此
則無路可行亦無灣可泊用小艇涉海猶有十日之程至直脚宣
前面則人跡不到矣
商人所常泊之社曰大武壠倒咯囉諸羅山打猫社他里務東螺
猴悶西螺南社麻支干二林三林猫羅社大武郡半線馬芝林阿
東竹整等社

山川

南路之山曰大岡山在臺灣之東南三十里狀如覆舟天陰埋影
晴霽則見上有仙人跡鐵猫見旋龍耳甕在焉相傳國有大事此
山必先鳴又有小岡山觀音山鳳山赤山打狗山半屏山龜山凹
底山皆在海濱突起平地若阿猴林則大樹蔽天材木于是乎出
北路之山曰木岡曰坐沙放種員猪來種半線阿里雞籠而金山
則在雞籠山朝溪後中產精金番人拾在手霹靂隨起下溪中
沙金如屑水極冷取之者從馬而望捧沙疾行少遲立凍死奇冷
山即奇嶺社之山高百丈臺摩最暖此山獨積雪至春抄不化玉
田在野番中月夜仰視其色如瑩如玉
南路北路溪港甚多四通五達中路離臺灣縣八里曰鯽魚潭採

捕之利足供軍需計由臺灣府起至淡水止溪凡十八重皆發源于山以海為歸云

沙線 礁巘

南港口有長沙線自南港口起至淡水海外止不知其幾千里北線尾與安平鎮城相連與赤嵌城相對復有大線頭海翁嶼為臺灣之外障鹿耳門與北線尾相連船隻出入之處是臺灣之大門戶也

上淡水城對面有兩石雙峙海中謂之石門淡水城海中有兩石雙起棟天謂之旗竿石又有圭礁巘船過之則碎

城郭

安平鎮城在一崑身之上東抵灣街渡頭西畔沙坡抵大海南至

二崑身北有海門原紅毛夾板船出入之處按一崑身週圍四五里紅毛築城用大磚桐油灰共搗而成城基入地丈餘深廣亦一二丈城牆各梁俱用鐵釘釘之方圓一里堅固不壞東畔設屋宇市肆聽民貿易城內屈曲如樓堂上下井泉鹹淡不一另有一井僅小孔桶不能入水從壁上流下其西南畔一帶原係沙墩紅毛載石堅築水衝不崩

赤嵌城亦係紅毛所築在臺灣海邊與安平鎮相向其城方圓不過半里

雞籠淡水小城也紅毛築之以防海剽然利于南風不利于北風

戶役 賦稅

戶口自鄭成功開闢二十餘年漳泉之民遁逃其中稍編沃野自

大兵弔伐人多歸藉今供徭役者半屬轄內之三十四社若新附諸番尚費司牧之撫循未可征其力役也

臺灣皆屬沙堤地力最薄通府額派地丁銀共一萬四千八百八十二兩八錢二分零稅餉在外臺灣縣額銀五千二百三十四兩二錢七分零鳳山縣額銀一千二百五十九兩二錢六分零諸羅縣額銀八千三百九十八兩二錢八分零

學校 選舉

臺灣歸順後

天子思磨鈍振贖乃設歲科二試以鼓勵之每試府學入泮二十名補餼五名至二十名餼額滿止增如之縣學入泮十二名補餼三名至十名餼額滿止增亦如之自康熙下邳年始其廩增全額

俟人文盛日具 題照內地例補足

從督軍務侯張公雲翼念海島文教不可不鼓舞以開功名之路特疏題 在自丁卯年起于福建鄉試正額外另廣一名以待臺灣之士俟九年學成日始與內地棘闈同較故蕪我登丁卯榜邑星燦得登庚午榜林逢秋得登庚午武榜文明先聲庶其在茲今道府設立社學教誨番童漸有彬彬文學之風矣

兵防

臺灣總兵統兵一萬共分十營安平鎮三營澎湖鎮二營南北二營左右中三營

津梁

臺灣無石所有橋梁皆磚砌成其流木急衝而易壞如大橋頭

烏鬼橋鐵線橋今皆無存獨有橋後一橋在東安之界
自臺灣至安平鎮相去僅五里許順風則時刻可到風逆則半日
難登灣之津頭未渡用牛車載人下船鎮之灣頭渡處則易小舟
登岸其餘各港船可沿溪而入

天時

天氣與中土殊雪霜絕少人不披衾三春常晴至于霖雨每在秋
令颶颶時起土人謂正二三四月起者為颶五六月起者為
颶颶甚于颶而颶急於颶將至時先視所至之氣如虹如霧則預
為之防凡遇風雨將作海必先吼如雷晝夜不息旬日乃平

地理

南北二路滿塗蓬蒿溪急水漲但草沙坡坦平車可連軌而行地

多震動水浮石稀土不堅實故種植五穀雖與中土同而一年唯
秋季一收阻饑之患所不能免幸有薯芋之類足以果腹

風俗

彈丸外區為逋逃淵藪近地多漳泉人外多係土番其人頑蠢無
姓氏無祖先祭祀自父母而外無伯叔甥舅之稱不知曆日亦不
自知其庚甲性好殺人截其頭洗剔之粘以銅錫箔供于家男女
皆跣足不穿下衣上着短衫以幅布圍其下番婦用青布裹腰多
帶花草男子約十四五歲時編藤圍腰束之使小故射飛逐走速
于奔馬髮少長即斷去其半以草縛之齒用生芻染黑久穿耳
孔其大可容象子以木環貫其中身有記刺好事者徧刺其又則
紅毛字也手帶錫頭或金銀或銅錫多者至數十隻且有以鳥翅

垂肩以貝懸項而相誇為美觀者俗重生女不重生男男則出贅于女則納婿于家婚嫁時女入廨中男在外吹口琴女出與合當意者告于父母置酒席邀飲同社之人即為配偶凡耕作皆婦人夫反在家待哺夫婦不合不論有無生育往往互相交易暑月男女皆裸體對坐淫慾之事長則避幼若弟妹子女畧不羞避婦甫生產同嬰兒以冷水浴之疾病不知醫輒浴于河言大士置藥水中濟度諸番云冬月亦入水澡浴以為快人死結采于門所有器皿衣服與生人均分死者所應得之分同其屍埋于床下三日後會集同社將死者取出灌以酒然後深墓葬不用棺槨移居仍取出再埋番屋高地四五尺深狹如舟形前後無所間梁柱皆盡五采時刻洒掃地無點塵屋後多植椰樹修竹暑氣不能入家無

被褥以衣覆體無厨竈以三足架架鍋于地粥則環向鍋前用椰瓢汲食飯則各以手團之而食米隨用隨擄凡穀粟衣服皆貯葫蘆瓢中人好飲取米置口中嚼爛藏于竹筒不數日而酒熟客至出以相敬必先嘗而後進出入皆乘牛車過山路陟絕則循藤而過過溪路深澗則跳石而過凡傳遞文書兩手繫鈴搖之其走如飛所用標槍長五尺許取物于百步之內發無不中弓則用竹為之以藤為弦矢則長銳無翎毛其耕田以草生為準秋成日謂之一年更深入山中其人狀如猿猴長不滿三尺見人則升樹抄人欲擒之則張弩相向亦有鑿穴而居類太古之民者土官有正有副大社至六七人小社三四人隨其夫派各分公廨有事咸集于廨以聽議小番皆宿外供役有能書紅毛字者謂之教冊凡出

入教皆經其手削鵝管爲墨橫書自左至右非直行也

物產

鳥之屬有鴉鷺鴻鸚鴛鴦杜鵑斑鳩瓦雀鷓鴣等類鴻雁燕鶯有而希見鵲與鷓鴣則其所絕無者

山無虎但有豹亦不噬人故鹿麋獐鹿之屬成群遍野莫為之害野牛最蕃滋設柵欄圍之有典牧之官董其數農夫乏牛者稟命于官而取之至老而無力則縱之去

澤中有大龜時游水濱人取而食之

果之美者棗為最狀如猪腎味甘冽可敵荔枝越宿即爛故難到遠地次莫若波羅密梨仔茨王梨芭蕉子石榴橘柚柳檳榔甘馬弼等類各方共產荔枝龍眼則間有之

花莫如四季錦漫蓮而蘭桂梅桃拒霜刺桐之類次之所少特牡丹耳內山樹木之大者多洪荒時物人至不能識其名

竹有大如斗高數十尋者 此多藤盤旋里餘可為椀索及縛茅屋 鑽產于上淡水土人取之以易鹽米芬布 鹽出于洲仔尾淡水兩處 泥鱖烏魚出于坑仔口打狗港 蜆蝦出于蚊港蚶

蠟螺海濱俱產

附澎湖

澎湖舊屬同安縣明季因此居海中人民散處催科所不能及乃議棄之後內地苦徭役往往逃于其中而同安漳州之民為最多及紅毛入臺灣并其地有之而鄭成功父子復相繼據險恃此為臺灣門戶環繞有三十六嶼大者曰媽祖嶼等處灣門口有兩砲

臺次者曰西莫頭等處各莫准西莫稍高餘皆平垣自廈門至澎湖有水如黛色深不可測為舟行之中道順風僅七更半水程一遇颶颺小則漂流別港阻滯月餘大則犯礁覆舟故舟子有望風占氣之法羅經針定于午放洋各有方向春夏由鎮海圻放洋正南風坐乾亥向巽巳西南風坐乾向巽冬由寮經放洋正北風坐戌向辰至夜半坐乾戌向巽辰東北風坐辛戌向乙辰或由圍頭放洋正北風坐乾向巽至夜半坐乾亥向巽巳東北風坐乾戌向巽辰至天明俱可望見澎湖西嶼頭由澎湖至臺灣俱向巽方而行薄暮可望見但澎湖初無水田可種人或採捕為生或治圃以自給今幸大師底定貿易輻輳漸成樂土營將外復設一巡檢治之

臺灣紀畧

梁銘季麒光蓉洲著

雜記

金山在雞籠山三朝溪溪山主產金有大如拳者有長如尺者有圓扁如石子者番人拾金在手則雷鳴於上棄之即止小者亦間有取出山下水中沙金碎如屑其水甚冷番人從高望之見有金捧沙疾行稍遲寒凍欲死矣

火山在北路野番中晝則見烟夜則見火有大鳥自火中往來番人見之多死

奇冷山即奇嶺社之山也其山高百丈臺灣從無冰霜山上三月